

輪迴即叩壇前受領功果

念起度仙界天尊

念隱語一徧拍起度訣燒符

靈寶无量度人上經大法卷之六十

靈寶无量度人上經大法卷之六十一 五九

靈寶煉度品

法師拜起立存神靜默交乾布斗變神為太一天尊想諸神在左右吹於水火池內行持升座側立整飭水冠樓神定志想身

焚香啓白

具法位臣某焚香仰啓

三靖上聖十極高真太一救苦天尊天樞三省五府主者三天扶救大法師南昌上宮長生大君南宮度命君九華真人南極真人左玄真人朱陵上帝開光尊神火府高真水宮仙聖韓君司馬煉度司主宰黃籙院仙宰黃籙院判官將吏功曹神兵土地飛天大聖妙行真人煉度真人八威龍文神君火池神將水池神將攝魂使者度魂主吏火府功曹童子吏兵火池童子命真君司錄真君延壽益算度厄尊神迴骸起死无量度人監生大神五道大神溟泠大神煉度直日功曹煉度吏兵一切真宰伏願飛雲暫出於丹天羽蓋下臨於法界五色鬱勃慈光徧燭於幽冥四

衆吁員惠澤普霑於黑壤即使臣得行兩度拯拔幽魂今乞先賜大慈允為明證謹稽首再拜

請聖法事

臣伏聞靈寶本章追度亡爽十回度人元冥隱顯開化自然空洞降靈太虛生神總治法象統歸三元瓊宮大聖高居帝尊敷私至妙考校因緣元始符命下抽幽屬普為衆生追度祖先上詣朱宮切告三官巖瀆靈洞十二河源原赦罪爽不得稽停大會玄都速召萬神中有東極昇騰赴感太一救苦天尊中有度魂化形之君中有太冥煉尸大神中有大慈妙行真人中有天樞天機好生文昌延壽益算度厄尊神招靈玄都无量度人今日校錄諸天臨軒謹召十方龍威大神丹靈大神皓華大神玄英大神煉度大神變身大神正精大神火府大神返形大神起生大神光明照耀洞朗諸天神霄上相陶仙伯南昌上宮韓司主錄監生大神執籙把籙齋到帝前普度衆生上世亡魂救攝鬼帝來聽教言懇都

洞陰司禁侍郎各持黑簿削落罪根不得拘留逼合見群所有元始符命教制地祇歷關諸天普告三界請滅三惡斬絕地根飛度五尸名列太玄魔王監舉无拘天門臣无任懇禱之至

念太乙救苦天尊

召飛天神王焚符

鬱景迴度 華眇森羅 迴駕傾光 摩辦空歌 飛歷玄關 通變靈魔 總監鬼兵 遊乘六阿 受符元始 迴旋太霞

念寶幢接引天尊

伏願長生大聖飛天神王飛天使者吏兵等衆一如昔日始青天中泐黎法會之中不忘元始天尊教戒之言伏為齋主某人特垂開度亡過某人伏願死魂受煉仙化成人身受度劫劫長存然後福垂後裔慶及家門一切有情俱登道岸  
宣元始符命讀大神煉  
謹召南昌上官受煉司直壇土地火急靈官吾召主煉大將二員火府神兵五百人黃靈院

管押亡魂大將二員神兵五百人並請庶裝顯服立至壇下為吾關報南昌受煉司靈童四直使者黃靈院諸司功曹火急赴壇聽候指揮

宣敕制地祇誥

汝等位列仙曹職司傳報凡有呼召即為敷聞茲者本壇已蒙道旨許令今月某日夜子丑時依科普行煉度今則蘭場備列靈符神騰當為請召靈寶大法司一切聖眾靈官玉女南昌受煉司黃靈院仙童將吏功曹判官丹天左衛大將軍直日功曹符史地道功曹黃靈院功曹丹天童子追魂主吏追魂童子攝魂將軍度魂引魂童子引魂使者火急前來咸聽誓言

宣金液煉形符誥

吾等嗣行教法掌握化權位朱陵火府之仙領南昌受煉之職今則仰遵松範恭演真科將煉度於幽魂必告盟於主執汝等遵稟為吾關行

宣登真度命誥

當司謹奉道旨煉度死魂汝等威神主吏當為處分太山五道城隍主者地府陰神引魂官吏疾速恭依原敕攝召亡過某人形魂前到壇下以憑煉度

宣玉清雷文誥

念金闕化身天尊

伏以返魂聚魄妙道皆存无煉糠粃至真威在既逐萬緣之長將迷一性之真展轉虛靈漂流濁穢今者奉為亡魂水火既濟滌滌腥膻灌漑三田周流一體

念黃華蕩形天尊

謹召掌水池使者煉度一行官君將吏引領所度亡魂入水池受煉  
誦大梵隱語三編

焚水煉諸符

切以育物陶形賴五行而既濟陰消陽長宜一悉以虛无仰所度亡魂昇入黃華結璘之府受煉更生奉為亡魂宣吟水煉神呪  
已枯復榮 已滅復生 得生天上 更稟太靈 九天之劫 反復胎嬰 穢累蕩滅 白虜反生

急急如

長生大君教

念清水度魂天尊

東井皇華 石景玉精 飛玄水母 金醴玉津

滔滔源源 不竭池亭 九龍灌煉 三光垂精

仙人吐潤 煉度理靈 肉外朗徹 表裏洞清

百關九竅 元炁滋榮 五臟六腑 萬神自生

胎胞結節 隨水開扁 死炁斷滅 惡根沉零

我今煉化 死骸生魂 返故改貌 玉體金容

變化煉穢 飛升紫庭 急急如

長生大帝教

念黃華蕩形天尊用水洒十方指子文

呪曰

天澄悉清 五色高明 日月吐輝 濯煉身形

神津內盥 香湯煉精 光景流曜 煥映上清

悉不受邪 五腑納靈 罪滅三塗 楊清九冥

惡根斷絕 福慶自生 今日大願 一切告明

普受開度 昇入帝庭

念朱陵度命天尊指中文取北方炁吹入

水中

焚丹陽符

龍漢蕩蕩 无形无名 渺渺億劫 黃道闡明

神清朗耀 九魂吐精 玉輝澄輝 太霞高明

玉皇開化 普度天人 三元導養 二象攝生

朽樹故根 已枯使榮 蠢動蛸息 長生化形

懷胎含孕 俱得生成 亡者命過 魂歸三清

魄受煉度 南宮飛昇 今日大吉 皆得光明

五帝鑒映 普告萬靈 天神地祇 及諸河源

五嶽四瀆 及諸名山 洞玄洞虛 洞空洞仙

元極大聖 至真尊神 无窮无極 溥暨度生

惡根斷絕 玄都記名 衆真班列 一切咸聽

念法雨普潤天尊

煉度一行官吏引領所煉亡魂出離水池

念火煉丹界天尊

謹召掌火池使者同九光童子火鈴靈童煉

度使者大府將吏引領所度亡魂入火池受

煉

誦大梵隱語焚火煉諸符并十二經絡符

切以陽炁為魂陰炁為魄陰陽既濟形神化

生仰亡魂上登太陽鬱儀之宮受煉更生濯

形大府式消炁血之腥煉質雜宮必獲形神  
之妙奉為亡魂念火煉大呪曰

南方之君 赤帝之精 榮感使者 丙丁將軍

朱雀炎神 赫赫陽精 五行造化 萬物發生

天帝有敕 使者須聽 攝召亡魂 煉度真形

急急如

長生大帝教

念玉清正一天尊

炁化成人 尸變入玄 三化五煉 升入九天

九天之劫 更度魂神 受化更生 得為真人

急急如

長生大帝教

念玉清正一天尊

焚鄴都山真形

奉為諸幽魂 拔度罪業根 丹墨書示真

北府鄴郡形 七祖得長謝 蕩滅於胎門

六天策文秘 誠爽除幽原 爾等長記憶

開度受生籍 北都咸池府 中有萬鬼克

水火煉度法 三官赦罪愆 制魔阿保舉

道運朝至尊 急急如律令

1105 / A 400-3

念金闕化身天尊

煉度一行官吏引領亡魂出離火池

念日月普明天尊化返生符舉頌

返生頌

代謝若循環 椿木不改柯 淨心念至真

隨運順離羅 常能誦玉章 玄音徹霄霞

永享無終紀 宜知年劫多

謹召混元一炁生腎六元運陽化陰大將軍

從官符吏等飛行變化助吾真靈攝召生炁

為亡過某化生左右腎生精生炁

謹召混元二炁生心七變徇風混景大將軍

從官符吏等飛行變化助吾真靈攝召生炁

為亡過某化生心臟生神生榮生志

謹召混元三炁生肝八徊合元大將軍從官

符吏等飛行變化助吾真靈攝召生炁為亡

過某化生肝臟生魂生筋生血

謹召混元四炁生肺九先會靈大將軍從官

符吏等飛行變化助吾真靈攝召生炁為亡

過某化生肺臟生魄生衛生皮毛

謹召混元五炁生脾十合陰陽大將軍從官

符吏等飛行變化助吾真靈攝召生炁為亡

過某化生脾生肌肉生肢生意五臟

謹召混元六炁生膀胱十一變靈大將軍從

官符吏等飛行變化助吾真靈攝召生炁為

亡過某化生膀胱生水胞

謹召混元七炁生小腸十二運化大將軍從

官符吏等飛行變化助吾真靈攝召生炁為

亡過某化生小腸生水道

謹召混元八炁生膽十三陽光大將軍從官

符吏等飛行變化助吾真靈攝召生炁為亡

過某化生膽生精生汗

謹召混元九炁生大腸十四運度大將軍從

官符吏等飛行變化助吾真靈攝召生炁為

亡過某化生大腸腑生穀道

謹召混元十炁生胃十五成陰變陽大將軍

從官符吏等飛行變化助吾真靈攝召生炁

為亡過某化生胃生水道

謹召混元十一炁生三焦十六三境混成大

將軍從官符吏等飛行變化助吾真靈攝召

生炁為亡過某化生三焦

謹召混元十二炁生心胞絡十七陰陽合靈

大將軍從官符吏等飛行變化助吾真靈攝

召生炁為亡過某化生胞絡生經血脉

祝曰

靈寶符命 煉化亡魂 五臟六腑 胞絡根元

華精編布 懸澍丹田 玉音攝炁 靈風聚烟

三景洞徹 萬神齊仙 九光煥耀 生化自然

千和萬合 上登玉天 急急如

長生大帝敕

念太清靈變天尊

今則浴質明池煉形流火一切汙染悉蕩蕩

除五濁穢軀盡令消潔魔无干犯身有元明

更為亡魂生尸九煉

臣謹稽首上啓

扶桑大帝木公尊神道君太真夫人金母尊

神元君巨闡玄黃降炁妙物化精為天地之

尊神總靈司之主宰周行元梵萬品生成密

運璇璣三才陶育重玄大化擬議難詮今有

齋主某奉為亡過某修建

无上大齋煉度大法追拔亡過魂儀返生人

道切以亡過其人身居萬景性染六塵五行  
蕩失於太无十炁无歸於根蒂三元受護萬  
劫无期不假聖恩實難可道且等泰依妙範  
體乾坤化育之方謹按玄科法陰陽和合之  
理是感崇圓密行匹配願降流水之精煉而

成胎天煉丹昭火之明煉而成胎九幽扶乘  
木之真煉而為魂十方柔金之形煉而成  
魄通林合土之英煉而為臟天煉致坎  
之靈煉而為腑法攝昭離之精煉而成竅  
轉輪聖激震之聲煉而為景太乙利兌之  
形煉而為神寶華開天地和合九煉排  
徊復請无始妙炁纏繞身形純陽道炁經羅  
內外三元育養得成其形靈珠內合化為內  
神三素元君與其真魂可體一炁以為神煉  
九炁以成真臣等仰對靈真敷敷實福

奉金木頌

扶桑啓靈運 鬱鬱吐青芽 妙月流金母  
和合自然葩 神炁凝元宮 靈物耀絳霞  
自得生人道 名籍繼仙家  
臣等謹薰沐上啓

鬱單无量天帝上上禪善无量壽天帝梵監  
須延天帝寂然梵術天帝波羅尼密不驕樂  
天帝洞玄化應聲天帝靈化梵輔天帝高虛  
清明天帝无想无結无愛天帝恭闌三寶闌  
光九神感妙无形无影有象有聲浮於太空  
之中列位陰陽之內正五緯之出沒使萬彙  
以化生乃九炁齊并三元合德巨令依式煉  
度亡魂先具奏請

木公大帝尊神金母太真尊神降兩曜之英  
華結五行之秀炁立根受祖演津生精感炁  
合神恍惚有象伏望九天上帝錫正炁於九  
闕十極高真稟胎元於十月流精混沌育質  
玄中  
謹上請鬱單无量天生神章第一帝真胞命  
元元一黃演之炁纏其胞使胞原宣通上徹  
於天以生成

謹上請上上禪善无量壽天生神章第二帝  
真胎命元洞宮紫戶之炁纏其胎結解根下  
響於地以固靈  
謹上請梵監須延天生神章第三帝真魂命

元長靈明仙之炁纏其魂使魂門通神以達  
精  
謹上請寂然梵術天生神章第四帝真魂命  
元陽尸冥演由之炁纏其七鬼使鬼戶閉闌  
天王降仙

謹上請波羅尼密不驕樂天生神章第五帝  
真臟府命元五仙中靈之炁纏其五臟使五  
臟清涼五帝朝真以存神  
謹上請洞玄化應聲天生神章第六帝真靈  
府命元高真沖融之炁纏其六腑使胃管生  
津以和  
謹上請靈化梵輔天生神章第七帝真元府  
命元高仙洞笈之炁纏其竅使孔竅開聰星  
宿朗明以開通  
謹上請高虛清明天生神章第八帝真華府  
命元真靈化凝之炁纏其八景使三部八景  
整具形神幽夜顯光以防身

謹上請无想无結无愛天生神章第九帝真  
靈府命元自然玄照之炁纏其身使三關五  
臟六腑九宮金樓玉室十二重門紫戶玉闌

三萬六千關節根源本始一時生神令神布  
悉滿聲尚神具毛髮生神諸天下臨應得生  
身臣等稽首再拜

啓畢念變煉有形天尊

九章誦徹五體生成既膺大道之洪恩當秉  
上真之慈訓澄心歸向諦聽奉行蓋以九天  
之炁生其神三元之精育其質黃白致相混  
沌合形六甲周流五行交感法天象地包陰  
吐陽則地剛柔應天分度千真備具萬象森  
羅合道通真既尊且貴於是首為崑崙髮為  
星辰眉為華蓋眼為日月鼻為天柱耳為天  
竈口為天門面為天鏡五嶽四瀆九江八河  
一元二儀三光四象五行六律七政八景九  
宮十方三十六天三十六地莫不備焉皆大  
道之應妙神靈之所滋也汝等當自清虛滅  
欲正念无邪則炁養其神神與炁并炁與精  
凝返胎更生漸登无何有之鄉可不樂哉如  
或躁動渾濁淫惡存心則傷害其神炁盡神  
逝魂沉五道魄役三陰无有休息可不悲哉  
即使三官啟筆九祖羅殃劫劫生生莫能超

脫汝等能合純養素抱朴脩真於慧性中超  
生樂土顧善惡因緣不可忽也稽首皈依无  
極大道

念回靈養素天尊

臣等伏聞長生大聖飛天神王當赤明之祖  
劫會始育之上方山嶽吞烟承靈寶之隱韻  
鬼精滅爽振妙音之本章施回骸起死之功  
著監真度生之品尋聲赴感隨願往生伏願  
長生大聖飛天神王齋元始之符命救北都  
之罪塊使亡過某人獲制魔之保舉得時刻  
以昇遷侍衛送迎拔出地戶超凌三界達上  
南宮脫五苦八難以逍遙薦七祖九玄而快  
樂請无拘制克副元科臣无任懇禱之至  
念隨願往生天尊宣玉清合同升天大奉  
向來煉度功德並已周圓今當告請一行千  
係神將官君功曹吏兵齊赴壇下聽候發遣  
指揮  
讀發遣護送亡人牒  
伏以亡過某人蔑有超生之路必資拔度之  
門今來當司追念冥塗冀登道岸聲聲悲傷

之念恭修煉度之科依按玄文備陳妙善懺  
愆贖罪煉質遷神寃无既已蕩除性識自當  
明了然後名除黑簿姓記丹書依仗真風永  
契虛无之界修持寶誥克臻廣漠之鄉洞景  
若春舞巒大羅之境天書不夜散花大渺之  
堂身入玉都面朝元始仰金闕玉房之範瞻  
瓊輪寶蓋之儀速證道邁永不輪轉更當洗  
滌念慮整肅魂儀禮謝  
虛皇好祥壇去  
靈寶无量度人上經大法卷之六十一